

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

29.06.2021թ.

ք.Երևան

Հարկադիր կատարումն ապահովող ծառայության Երևան քաղաքի Ավան, Նոր Նորք և Քանաքեռ-Զեյթուն վարչական շրջանների բաժնի հարկադիր կատարող, արդարադատության կապիտան՝ Ս.Օհանյանս, ուսումնասիրելով 14.06.2021թ. վերսկսված թիվ 05747604 կատարողական վարույթի նյութերը.

Պ Ա Ր Զ Ե Ց Ի

Երևան քաղաքի ընդհանուր իրավասության դատարանի կողմից 11.12.2019թ. տրված թիվ ԵԴ/23125/02/18 կատարողական թերթի համաձայն պետք է Նարեկ Արեգի Ղահրամանյանից հագուստ «ՎՏԲ-Հայաստան բանկ» ՓԲ ընկերության բռնագանձել 1.774.021 ՀՀ դրամ և 35.480 ՀՀ դրամ՝ որպես նախապես վճարված պետական տուրքի գումար, ինչպես նաև հաշվարկվելիք տոկոսներ:

Պարտապանից պետք է բռնագանձել նաև բռնագանձման ենթակա գումարի հինգ տոկոսի չափով գումար, որպես կատարողական գործողությունների կատարման ծախս:

Կատարողական գործողությունների ընթացքում «Դատական ակտերի հարկադիր կատարման մասին» ՀՀ օրենքի 37-րդ հոդվածի 8-րդ մասի հիմքով կատարողական վարույթը կասեցվել է 90 օրյա ժամկետով, քանի որ կատարողական վարույթով բռնագանձման վերաբերյալ վճռի հարկադիր կատարման ընթացքում պարտապան Նարեկ Արեգի Ղահրամանյանի ողջ գույքի վրա բռնագանձում տարածելու պարագայում պարզվել է, որ այդ գույքը օրենքով սահմանված նվազագույն աշխատավարձի երկուհազարապատիկի և ավելի չափով բավարար չէ պահանջատիրոջ հանդեպ պարտավորությունների ամբողջական կատարումն ապահովելու համար և պարտապանին պատկանող գույք և դրամական միջոցներ չեն հայտնաբերվել, որոնց վրա կարելի է բռնագանձում տարածել: Նշված ժամկետում կողմերից որևէ մեկի կողմից Հարկադիր կատարումն ապահովող ծառայություն պարտապան Նարեկ Արեգի Ղահրամանյանին սնանկ ճանաչելու վերաբերյալ փաստաթուղթ չի ներկայացվել:

«ՌԱՖՕԼ» ՍՊԸ-ի կողմից Հարկադիր կատարումն ապահովող ծառայություն է ներկայացվել եզրակացություն, որի համաձայն Նարեկ Արեգի Ղահրամանյանին պատկանող և «ՎՏԲ-Հայաստան բանկ» ՓԲ ընկերությունում գրավադրված իրերի ընդհանուր շուկայական արժեքը գննման օրվա դրությամբ կազմում է 1.508.580 ՀՀ դրամ:

«ՎՏԲ-Հայաստան բանկ» ՓԲ ընկերության կողմից Հարկադիր կատարումն ապահովող ծառայություն հասցեագրված 28.06.2021թ. թիվ Ա-1391/21 գրությամբ հայտնվել է, որ պարտապան Նարեկ Արեգի Ղահրամանյանի պարտավորության չափը 28.06.2021թ. դրությամբ կազմում է 3.339.715 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման» մասին ՀՀ օրենքի 28, 28.1, 43, 67 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով:

Ո Ր Ո Շ Ե Ց Ի

Պարտապան՝ Նարեկ Արեգի Ղահրամանյանին պատկանող և գրավի առարկա հանդիսացող ներքոհիշյալ գույքերը

h/h	Լոտի անվանումը, նկարագիրը	Գնահատման գինը	Մեկնարկային գինը (75%)	Գույքի քանակը
1	Ոսկյա շղթա՝ 580 հարգի, 24.1 գրամ	397.650 դրամ	298.238 դրամ	մեկ հատ

2	Ոսկյա շղթա՝ 560 հարգի, 14.6 գրամ	232.140 դրամ	174.105 դրամ	մեկ հատ
3	Ոսկյա շղթա վնասված՝ 560 հարգի, 8.7 գրամ	138.330 դրամ	103.748 դրամ	մեկ հատ
4	Ոսկյա շղթա՝ 560 հարգի, 17.5 գրամ	278.250 դրամ	208.688 դրամ	մեկ հատ
5	Ոսկյա թևնոց՝ 580 հարգի, 6.6 գրամ	108.900 դրամ	81.675 դրամ	մեկ հատ
6	Ոսկյա թևնոց՝ 560 հարգի, 4.2 գրամ	66.780 դրամ	50.085 դրամ	մեկ հատ
7	Ոսկյա շղթա՝ 560 հարգի, 1.8 գրամ	28.620 դրամ	21.465 դրամ	մեկ հատ
8	Ոսկյա շղթա՝ 580 հարգի, 8.5 գրամ	140.250 դրամ	105.188 դրամ	մեկ հատ
9	Ոսկյա ջարդոն՝ 560 հարգի, 1.1 գրամ	17.490 դրամ	13.118 դրամ	մեկ հատ
10	Ոսկյա շղթա՝ 560 հարգի, 6.3 գրամ	100.170 դրամ	75.128 դրամ	մեկ հատ

Ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ <http://harkadir.ajurd.am> կամ www.ajurd.am միջոցով:

Հարկադիր էլեկտրոնային աճուրդի սկիզբ սահմանել՝ **17.08.2021թ.:**

Որոշման պատճենը ուղարկել կողմերին:

Որոշումը կարող է բողոքարկվել վերադասության կարգով՝ որոշումը ուժի մեջ մտնելու օրվանից՝ երկամսյա ժամկետում կամ ՀՀ վարչական դատարան՝ օրենքով սահմանված ժամկետներում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

**ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԿԱՊԻՏԱՆ՝**

Ս.ՕՀԱՆՅԱՆ

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Տասնհինգերորդ հարկադիր աճուրդը չկայանալու դեպքում հաջորդ աճուրդներում լոտի մեկնարկային գինը չի իջեցվում: Տասնհինգերորդ հարկադիր աճուրդը չկայանալու դեպքում հարկադիր աճուրդի է ներկայացվում նաև պարտապանին պատկանող՝ օրենքով սահմանված նույն հերթում ներառված այլ գույք, իսկ նույն հերթում ներառված գույքերի անբավարարության դեպքում՝ հաջորդ հերթում ներառված այլ գույք:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: